



Inatsisartunut Ilaasortaq  
Andreas Uldum  
/Maani

### § 37 naapertorlugu apeqquteqaammut akissut, 2014/179

Asasara Andreas Uldum.

20. august 2014 Ilinniartitaanermut, Ilageeqarnermut, Kultureqarnermut  
Naligiissitaanermullu Naalakkersuisup angalasarneri pillugit Naalakkersuisunut  
apeqquteqaateqarputit.

04-09-2014  
Sags nr. 2014-103387  
Dok. nr. 1684453

Postboks 1029  
3900 Nuuk  
Tlf: +299 34 50 00  
Fax +299 32 20 73  
Email: liknn@nanoq.gl  
www.nanoq.gl

- 1. Ilinniartitaanermut, Ilageeqarnermut, Kulturimut Naligiisitaanermullu Naalakkesuisup allattugai Facebookimi quppernerminut ulloq 3. august 2014 nal. 14.20 ivertissimasai tamakkiisuuppat? Taamaagunanngilarli ulloq 9. juni Maniitsumut innuttaasunik ataatsimiititsiartorluni angalanera ilaangimmat. (Pissutaasimasinnaavorli Ilinniartitaanermut, Ilageeqarnermut, Kulturimut Naligiisitaanermullu Naalakkesuisup angalanermi tassani aningaasartuutaasimasut Siumumit akilerneqartariaqaralarutut isumaqarsimanera, kisianni § 37 naapertorlugu apeqqutinnut akissummi ilisimatinneqarpunga, Naalakkersuisup aningaasartuut taanna isigigaa, Naalakkersuisunit akilerneqartariaqartutut. Taamaattumik angalaneg taanna allattukkanut ilaasimasariaqaralarpoq.**

Akissuteqaat: Angalanerit uku Nick Nielsenip (NN) facebookimi quppernerminut 3. august 2014, nal. 14.20 ikkussaanut ilaangillat:

31/5 – 4/6 Nunat Avannarliit Ministerisa Siunnersuisoqatigiivini ataatsimiinneq,  
Reykjavik  
9/6 Maniitsumi innuttaasunik ataatsimiisitsineq  
28/8 Sisimiuni Ilinniartitaanermut Ilisimatusarnermullu ministerip Sofie Carsten Nielsenip  
ataatsimeeqatiginera.

Taamaalilluni Naalakkersuisunut ilaasortap Nick Nielsenip facebookimi quppernerani takussutissiaq taamani paasissutissat pigineqartut naapertorlugit suliarineqarsimavoq. Kisianni aningaasartuutaasimasunut nalunaarutigineqartunut angalanernut aningaasartuutit tamarmiusut ilaapput, Maniitsumili innuttaasunik ataatsimiisitsineq ilaangilaq, aningaasartuutaasimasut piffissami pineqartumi sulii akiligassanngorlugit (mellemregning) tiguneqarsimanngimmata.

- 2. Ilinniartitaanermut, Ilageeqarnermut, Kulturimut Naligiisitaanermullu Naalakkesuisup angalasimanerisa tamarmik inuiaqatigiinnut qanoq akeqarsimanersut tamakkiisumik takussutissinneqarnissaat kissaatigaara? Tassa imaappoq angalanerini tamani allanneqassaaq angalaqatigiit angalanerat tamarmi qanoq akeqarsimanersooq (Aningaasartuutit tamaarmik ilanngunneqassapput; ajunngitsorsiat, ullormusiat, akunnittarfinnut**

**anigaasartuutit, assartuinnermut, ilassinninnermut il.il.). Taamatut  
naatsorsuusiernerup angalanerparsuarnut atatillugu  
anigaasartuutaasimasunik tutsuviginernerusumik takussutissiisussaavoq.**

Akissuteqaat: Ataaniipput angalanernut ataasiakkaanut anigaasartuutit  
siusinnerusukkut Naalackersuisumut tunngasut ilisimatitsissutigineqareersut,  
matumanilu angalaqataasunut anigaasartuutinik ilallugit:

<b>Ulloq 2014</b>	<b>Sumunnarfik</b>	<b>Siunertaq</b>	<b>Katillugit</b>	<b>Inuit</b>
		<b>Ataatsimiinn. Assigiinnq.</b>		
9-23/1	København-Bruxelles	ukiortaamilu ilasseqatigiinneq.	97.055,00	2
3/2-5/2	Nuuk-Qaqortoq	Innuttaasunik ataatsimiisits.	45.315,00	3
17-28/2	Nuuk- København- Sochi	Ukiukkut olympiade. Diskobugtimi innuttaasunik ataatsimiisitsineq.	113.055,00	2
3-8/3	Nuuk-Qasigiannuit	AWG.	77.386,00	3
14-23/3	Fairbanks, Alaska	Avannaata Qimussersua.	27.254,00	2
28-31/3	Ilulissat	Nunat Avan. Ministeriisa ataats.	43.459,00	3
20/4	Island	Nunaqarfiit pill.	31.792,00	3
20-25/5	Ilulissat	Isumasioqatigiinneq /Ipad. Nunat Avan. Ilinniartitsinnermut ministeeriisa ataatsimiinnerat.	61.526,00	3
31/5-4/6	Nuuk-Reykjavik-Nuuk	Innuttaasunik ataatsimiisitsineq.	49.895,00	3
9/6	Maniitsoq	GU-mi naggataarneq.	3.570,00	1
21/6	Sisimiut	Innuttaasunik ataatsimiisitsineq.	14.467,00	2
25/7 -7/8	Upernavik og bygder	AWG aamma Univ. Akureyri	61.122,00	2
18-27/8	Nuuk-Reykjavik-Vancouver	Ilinn. Ilisimatusarn. ministeri	82.115,00	3
28/8	Sisimiut	Kulturikkut aqqis. Ammaaneq	29.072,00	4
1-11/9	Nuuk-Kina-Japan-Nuuk		154.105,00	3
	<b>I alt</b>		<b>891.188,00</b>	

Naalackersuisuusarsimasunut assingusumik takussutissiorneq assingusumik  
inerneqarpoq, ilisimaneqartutut Naalackersuisunut ilaasortat kisimiillutik  
angalasanngimmata, atorfilittanilli angalanerminni ilaqartarlutik.

Assersuutitut ataani takutinneqarput siulima Palle Christiansens 2012-imi angalanernut  
anigaasartuutigisimasai

Ulloq 2012	Sumunnarfik	Siunertaq	Katillugit	Inuit
16/1-20/1	København	Kalaallit Illuutaannut il.il. pulaarneq	47.752,00	2
15/2-16/2	Ilulissat	Innutaasunik GU-milu ataats. Nunat Avan. Ministeriisa ataats. + aningaasaliisussat	46.383,00	3
20/2-23/2	Kbh-Oslo	ataatsimeeqatiginerat. Innutaasunik suliffeqarfinnullu ataats.	32.771,00	1
5/3-8/3	Qaqortoq-Narsaq	Nunat Avan. Ministeriisa qulequttamik sammisaqarnerat	20.687,00	3
21/3-23/3	Kulusuk-Reykjavik	Issittup Ukiua pill. Canadami ataats.	34.445,00	2
21/4-28/4	Reykjavik-Toronto-Montreal	Megatrend pill. ataatsimeers.	102.045,00	3
28/5-30/5	Kbh-Stockholm-Oslo-Reykjavik	HKH Mary-p tikeraartinnera	32.724,00	2
4/6-7/6	Ilulissat	Rio +20 ataatsimeersuarneq	42.894,00	3
12/6-25/6	Rio de Janeiro		268.337,00	2
27/6-1/7	Reykjavik-Tasiilaq-Kulusuk		26.802,00	2
20/7	Maniitsoq	Maniitsumi Efterskolimik ataats.	8.616,00	3
3/8	Charter Qooqqut	Qooqquni isumasioqatigiinneq	14.986,00	1
14/8-15/8	Sisimiut	Aatsitass. Ilinniarfik	18.980,00	2
18/8-20/8	Sisimiut		8.495,00	1
3/9-10/9	Reykjavik-Oslo-longyearbyen	Nunat Avan. Ministeriisa ataats. – Svalbard	25.239,00	1
13/9-21/9	København	Kalaallit Illuutaat	62.744,00	4
26/10-2/11	København-Helsinki-Kbh	Nunat Avan. Ataats., Finland	39.303,00	1
27/11-30/11	Iqaluit, Nunavut	Issittoq kaajallall. Ataatsimeers.	123.551,00	5
10/12-17/12	København-Soul	Korea Kujallerimi ataats.	127.110,00	3
	I alt		1.083.864,00	

Naggasiullugu oqaatigissavara angalanerit kontoni pingaarnerni aningaasaliissutaasut iluanni pisimammata.

**3. Ilinniartitaanermut, Ilageeqarnermut, Kulturimut Naligiisitaanermullu Naalakkesuisoq AG-mut oqarpoq Sochimi OL-mut angalasiimanerminut pissutaavoq Danmarkip Kalaallit Nunaatalu sulissuteqarnerat piffissaq qaninnerusoq isigalugu Kalaallit Nunaata nammineerluni immikkut unammeqataasalernissaa. Taamatut oqarnera pissaganarpoq taamaattumik tusarusuppara, suliap tamatuma ingerlannera qanorpiaq pinersoq. Suut pisariaqarpat, kalaallit timersortartut nammineq nunartik sinnerlugu unammisalissappata?**

Akissuteqaat: Imaappoq Timersoqatigiit Kattuffiata kaammattuineratigut Naalakkersuisut sinnerlugit pisortatigoortumik Ruslandimi Sochi-mi ukiukkut olympiadeqarmat peqataavunga. Danmarkip Den Internationale Olympiske Komite-mi peqataatitaasa naapeqatiginissaat periarfissaqarfivara, taakku Sochimi peqataammata. Ilaasortaapput kunngissaq Frederik aamma Poul Erik Høyer. Peqataanikkut siusinnerusukkulli Kulturimut Naalakkersuisuusut ileqqorisaat malippara, tassalu OL-imi kalaallit peqataasut tapersornerat takutillugu.

Aamma aqqissuuneqarpoq Danmarks Idræts Forbundip siulittaasuanik Danmarkillu OL-komite-ani siulittaasunik Niels Nygaardimik danskit Nunattalu siunissami timersornikkut suleqatigiinnissaat pillugu ataatsimeeqatigiinneq. Tassunga tunngatillugu siunissami OL-ertoqarnerani peqataasut kalaallit ersersinniarneqartarnissaannut isummanik paarlaasseqatigiittoqarpoq, siunissamilu peqataasussanik toqqartuinnermi piumasaqaataasartussat pillugit suleqatigiinnissaq eqqartorneqarluni. Aamma siunissami ukiuunerani OL-eqartarnerni futsat-ip unammissutitut ilaasalernissaanut tunngasunik eqqartuisoqarpoq. Tamanna kalaallinut siunissami peqataasarumaartunut iluaqutaassasoq neriuutigaara.

Kiisalu Team Danmarkip pisortaa Michael Andersen inerisaalluni periusissat pillugit naapeqatigivara, Kalaallit Nunaanni Timersoqatigiiffiit Kattuffiata aamma Elite Sport Greenlandip (ESG) peqataaffigisaannik. Michael Andersen Team Danmarkip ineriartorsimanera pillugu saqqummiussaqqarpoq. Annertunerusumik qaninnerusumillu suleqatigiinnissamut periarfissat eqqartorneqarput. Ataatsimiinnermi Team Danmark neriorsuivoq, ESG-p Team Danmarkip inerisaalluni aqqissugai iluaqutiginiarsinnaagaat.

Kingusinnerusukkut ESG Nuummi periusissatik pillugit isumasioqatigiinnerminni Michael Andersenimit tikeraarneqarput. Periusissat pillugit isumasioqatigiinnermi timersortartut piginnaaneqarnerpaat pillugit periusissiamik inerisaanissaq qitiutinneqarpoq. Periusissiornikkut Kalaallit Nunaata siunissami pikkorilluinnartunik amerlanernik timersortartoqalernissaa qularnaarniarneqarpoq.

Saniatigut aamma DIF 2014-imi upernaakkut tikeraarnissamik saqqummiussipput. Tassani siunertaavoq GIF-p DIF-llu akornanni suleqatigiinnermi inerisaavigineqarsinnaasut suussusersinissaat. Illuatungeriit isumaqatigiipput, suleqatigiinnerup tamatuma piffissaq ungasinnerusoq eqqarsaatigalugu nassatarisinnaagaa, tamatigoornerusumik timersornerup annertusaaviginera, tassuunakkullu qularnaarlugu piginnaanngorsaanerit aqutigalugit timersortartut piginnaaneqarnerpaat amerlanerulernissaat.

Suleqatigiinnerup aammattaaq nassataraa ESG-mi sulisoq ataaseq Team Danmarkimi ulluni 14-imi sungiusarluni sulimmat. Taamatut suliniuteqarneq ESG-p siunissamut tunngatillugu periusissiornissaanut piareersaatit ilagaat.

Taamaattoq siunissami OL-mut peqataasarnissamut tunngatillugu IOC-miit nalunaarut tassaajuarpoq, Kalaallit Nunaat nunatut immikkoortutut isigineqassasoq kalaallillu peqataasut namminneq erfalasortik atorsinnaagaat.

- 4. Ilinniartitaanermut, Ilageeqarnermut, Kulturimut Naligiisitaanermullu Naalakkesuisoq AG-mut oqarpoq Arctic Winter Gamesinut angalanerminut atatillugu University of Alaska i Fairbanks isumaqatigiissuteqarfigisimallugu. Ilinniartitaanermut, Ilageeqarnermut, Kulturimut Naligiisitaanermullu Naalakkesuisoq qinnuigissavara isumaqatigiissut taanna pissaganartooq pillugunassuaateqaqqullugu.**

Akissuteqaat: Naalakkersuisut sinnerlugit AWG-mut peqataaninnut atatillugu University of Alaska-p (UAF) rektoria naapeqatigineqarpoq, siunissami suleqatigiinnissamut periarfissat pillugit.

---

Naapinnermi siunertaq pingaarneq tassaavoq paasissallugu, universitetip isumaqatigiissutip siusinnerusukkut isumaqatigiissutigineqarsimasup nutarterneqarnissaa soqutigineraa.

Isumaqatigiissutigineqarpoq siunissami suleqatigiinnissaa sulissutigineqassasoq, UAF-p ilisimatusarfiullu ilinniartunik ilinniartitsisunillu paarlaateqatigiittarnissaat anguniarlugu, tamatumunngalu ilaatillugu UAF-mi ilinniartitsisunik tuluit oqaasiisa allamiut oqaasiisut ilinniartitsissutiginnissaannik immikkut ilisimasalinnik paarlaasseqatigiinneq.

Aammattaaq isumaqatigiissutigineqarpoq UAF-p Namminersorlutillu Oqartussat akornanni isumaqatigiissutissaq suliarineqassasoq taassuma nassatarissavaa ilinniartut kalaallit killeqartut UAF-mi tamakkiisumik ilinnialersinnaanerat, Alaskami najugalinnut atugassarititaasut assinginiq atugassaqartinneqarlutik. Isumaqatigiissut kingulliullugu pineqartoq aammattaaq oqaatsit pillugit ilisimasanik paarlaasseqatigiittarnissamik imaqaarsinnaavoq.

Inussiarnersumik inuulluaqqusillunga



Nick Nielsen